

湖湘

〔清〕同德斋主人 编 鄢蕾 标点

广湖南考古略

二

湖湘文库编辑出版委员会 湖南教育出版社

文库

〔清〕同德斋主人 编
鄢蕾 标点

广湖南考古略

①

湖湘文库编辑出版委员会
湖南教育出版社



湖湘文库

甲编

图书在版编目 (CIP) 数据

广湖南考古略 / 鄢蕾标点. —长沙: 湖南教育出版社, 2010. 10

ISBN 978-7-5355-7123-6

I. ①广… II. ①鄢… III. ①湖南省—地方志 IV. ①K296.4

中国版本图书馆 CIP 数据核字(2010)第 191737 号




湖湘文库

(甲编) 湖湘文库编辑出版委员会

广湖南考古略

- 编者 [清]同德斋主人
标点 鄢蕾
责任编辑 符本清
特约编辑 鄢琨
责任校对 周晔等
装帧设计 郭天民
出版发行 湖南教育出版社
网 址 <http://www.hnepn.com>
电子邮箱 postmaster@hnepn.com
地 址 长沙市韶山北路443号
印 装 长沙化勘印刷有限公司
版 次 2010年12月第1版 2010年12月第1次
开 本 960 × 640 1/16
印 张 60.75
字 数 665000
书 号 ISBN 978-7-5355-7123-6
定 价 76.00 元

ISBN 978-7-5355-7123-6



9 787535 571236 >

广湖南考古略卷二十二

兵事

周

景王八年，楚师济于罗汭在今湘阴县。沈尹赤会楚子，次于莱山在今醴陵县。

赧王二十五年，长沙之难，楚太子横为质于齐。

三十五年，秦使司马错发陇西，因蜀攻楚黔中今常德、辰州、沅州、永顺等府地，拔之。

三十七年，秦与荆人战，取洞庭五都。案《史记·苏秦传》注引《策》文，五都作五渚。

三十八年，秦复取楚巫、黔中。

汉

高后七年，有司请禁粤关市铁器。南粤王赵佗乃发兵攻长沙边，败数县。高后遣隆虑侯周灶、博阳侯陈濞击之。会暑湿大疫，兵不能逾岭。

文帝元年，罢博阳侯，使大中大夫陆贾命南越王毋侵长沙。隆虑侯班师归。

武帝元鼎五年，南越王相吕嘉反，杀汉使者。遣伏波将军路博德出桂阳，下湟水；归义越侯严为戈船将军，出零陵，下离水，

咸会番禺。

光武帝建武十一年，岑彭与吴汉及诛虏将军刘隆、辅威将军臧宫、骁骑将军刘歆，发南阳、武陵、南郡兵，又发桂阳、零陵、长沙委输棹卒，凡六万馀人，骑五千匹，皆会荆门。

案：彭时为征南大将军，击蜀公孙述。

十六年，交阯女子征侧、征贰反。诏长沙、合浦、交阯具车船，修道桥，通障溪，储粮谷。十八年，遣伏波将军马援、楼船将军段志发长沙、桂阳、零陵、苍梧兵讨之。明年，援破交阯，徙其渠帅三百馀口于零陵。

灵帝光和三年，苍梧及桂阳盗起，入零陵境。太守阳璇击贼，造马车，以囊盛石灰置车上，系布于马尾；又为兵车，设弓弩及战马。车居前，顺风鼓灰，贼不得视。因以火然布，马惊逸，突入贼阵。后车乘之，弓弩乱发，钲鼓鸣震。贼骇散，追击之，遂梟其渠帅。

中平三年，长沙贼区星攻围城邑。孙坚为长沙太守，亲率将士破星，三郡肃然。

建安十三年秋八月，曹操南征刘表。表率少子琮以荆州降。操遂取长沙、桂阳、零陵。

冬，刘备破曹操于赤壁，又南征，四郡皆降。

十九年《蜀志》作二十年，孙权遣吕蒙取长沙、零陵、桂阳三郡，使鲁肃以万人屯巴丘，拒羽于益阳。使备连和，遂分长沙、江夏、桂阳以东属权，南郡、零陵、武陵以西属备。

三国汉

先主章武元年，伐东吴。自佷山遣侍中马良安慰五溪蛮夷，相率响应。

吴

大帝权黄龙三年，武陵部从事樊伉诱导诸夷，图以武陵属。蜀孙权遣太常潘濬将兵往，斩樊伉，武陵平。

晋

武帝太康元年，镇南大将军杜预进逼江陵。于是沅湘以南至于交广，吴之州郡皆望风归命。预仗节称诏绥抚之。帝诏预镇静零、桂怀辑衡阳，荆州南境传檄而定。

怀帝永嘉五年，湘州流人杜弼据长沙反。益州流人汝班、梁州流人蹇抚作乱于湘州。弼，成都人，避地南平，后为醴陵令。时巴蜀流人汝班、蹇硕等数万人布荆湘间，蜀人杜畴、蹇抚等复扰州。参军冯素与汝班不协，言于刺史荀眺一作荀眺，欲尽诛流人。班等惧死，聚众。时弼在湘中，共推为主，自称湘州刺史，攻破郡县。眺委城走。

愍帝建兴三年，陶侃击杜弼，破之。先是，侃率浔阳太守周访等，进军入湘击弼。弼作桔槔，打没官军船舰。访作长岐枨距之，桔槔不得为害。弼从青草湖密钞官军，侃将陶舆率轻舸出上流击之，所向辄克。王敦表侃为荆州刺史。弼将王贡一作王真精卒三千，出武陵江，诱五溪夷，以舟师断官运，径向武昌。侃夜趋巴陵，潜师掩其不备，大破之。

元帝永昌元年，王敦举兵于武昌。湘州刺史譙王丞移檄远近，列敦罪恶，州内皆应之。

安帝隆安三年，荆州刺史殷仲堪遣从弟遹，帅水师七千至江西口一作三江口击桓元，败绩。

南北朝宋

文帝元嘉三年，荆门刺史谢晦反。檀道济大破晦于隐矶在今临湘县。

唐

僖宗六年，朝廷以群盗为忧，拜宰相王铎为招讨使、行营都统，以泰宁节度使李系兼湖南观察使副之，将精兵五万并土团屯潭州，以塞岭北之路。

438

中和元年，安南戍将闵頊一作闵勳逐湖南观察使李裕，自为留后。诏以頊为钦化军节度使。

昭宗景福二年，邵州邓处讷取潭州，杀周岳，自称留后。诏拜处讷为武安军节度使。

光化二年，马殷遣李唐一作李璠攻道州。贼帅蔡结、何庾约峒蛮为援，伏兵于隘，击破之。唐曰：“蛮所恃者，山林耳。”乃因风燔林。蛮惊遁，遂拔道州，禽结等斩之。

天复元年，朗州雷满卒，子彦恭自立。闻荆南节度使成汭兵出，袭江陵，入之。焚楼船，残墟落，数千里无人迹。

黄浩陷浏阳。浩，黄巢从子，为盗江湖间，号浪荡军。欲据湖南，杀掠甚众。湘阴强家邓进思率壮士伏山中，击杀之，祸始绝。

五代梁

太祖开平元年，雷彦恭攻岳州，不克。高季昌遣倪可福，会楚将秦彦晖攻朗州。彦恭乞师于淮南。杨渥遣冷业将水军屯平江、李骠将步骑屯浏阳以救之。楚王殷遣许德勋将兵拒之。业进屯朗口，德勋进击，大破之，追至鹿角镇，禽业。又破浏阳寨，禽骠。

斩业、骁于长沙市。

楚遣秦彦晖攻朗州。初，雷满居朗，引沅水堑其城，上为长桥，为不可攻之计。彦恭至是恃堑为阻。彦晖攻之不克，顿兵不战。彦恭守备稍懈。彦晖使裨将曹昌率壮士夜入水窦，内外举火相应，城中惊乱。彦晖鼓噪坏门而入。彦恭奔于吴。执其弟彦雄等七人，送于梁斩之。先是，澧州向环与彦恭相表里，至是亦降。澧、朗遂入于楚。

二年，岳州为淮南所据。帝以此郡五岭三湘水陆交会之地，委输商贾靡不由之，遂令荆湘、湖南北举舟师同力致讨。师既集，淮夷毁壁楚郭而遁。

唐

明宗天成三年，楚王殷如岳州，遣袁诠、王环及子希瞻，将水军击荆南高季兴，进逼江陵。季兴请和，楚军乃还。

吴遣苗璘、聂彦章攻岳州，至君山，楚遣许德勋将战舰御之。德勋命詹信一作詹佶以梅花海鹞迅舸出吴军后，德勋以大军当其前，夹击之，大败吴军。德勋将水军屯岳州。自是岳、鄂、潭、朗皆有重兵。

周

太祖广顺元年，楚王马希萼命朗州指挥使王逵一作王进逵、副使周行逢帅所部兵治府舍，执役甚劳，士卒皆怨。逵、行逢帅众逃归武陵。希萼遣将唐翥追之不及，直抵朗州。逵等伏兵纵击，大败之，立希萼兄子光惠为节度使。寻执光惠，归于金陵，推辰州刺史刘言为朗州留后，请命于唐，亦称藩于周。

十月，唐遣信州刺史边镐击楚，尽迁马氏之族于金陵。复遣

鄂州节度使刘仁贍将兵取岳州，湖南尽入于唐。

二年，唐平湖南，悉收其金帛、珍玩、仓粟，乃至亭馆花木之美者，皆徙金陵。

刘言将蒲公益攻岳州，逐唐刺史宋德权、监军任镐，尽有马氏岭北故地，惟郴、连入于南汉。

宋

太祖建隆三年，湖南张文表叛。文表，武陵人，从王逵、周行逢举兵逐边镐，袭潭州。

440 乾德元年，遣山南东道节度使慕容延钊、都监李处耘等讨张文表，执文表，斩之。

朗州贼将汪端寇州城，都监尹重睿击走之。初，朗州溃，保权将汪端劫保权并家属，弃城亡匿山洞。王师至，获保权。端拥众寇略，慕容延钊遣谭延美、解晖率兵禽端以还，磔于朗州。湖南悉平，得州十四，监一，县六十六。

二年，潘美等克郴州。

高宗建炎元年，金兵掠岳州，湖湘盗贼刘忠寇平江，赵寿、张用、曹成、马友之众纵横为害，所在残毁，郡县为墟。

二年，廖彦叛，筑城白抵即今澧州廖城。

三年，湖贼杨么寇益阳，杀袁显。

四年，金人自江西移兵潭州，围之八日，登城，纵火大掠，屠其城。

鼎州民钟相作乱，自称楚王，改元天载，陷澧州。

绍兴二年，曹成释向子諲，犯郴州永兴县。诏以李纲为宣抚使，岳飞知潭州兼荆湖东路都总管，付金字牌、黄旗以招成。至贺州，大破之，追成入邵州。执其将杨再兴，奇其貌，释之。

荆湖等路宣抚副使韩世忠讨刘忠，驻兵岳州长乐渡，移师长沙，与贼对垒。夕穿贼营，得贼军号，随声应之。周览以出，喜曰：“此天赐也！”统制解元独跨马薄贼寨，亦得其形势，归告世忠。世忠夜伏精兵于白面山，与诸将拔营而进。贼兵方逆战，元与伏兵已驰入中军，夺其望楼，立赤帜，传呼如雷。贼回顾惊溃。麾将士夹击，大破之，斩忠首。案：《纪》作忠败走淮南，与《传》异。诏李纲、刘洪、程昌寓、解潜会兵，讨湖贼杨太即杨么。纲入潭州，其党郝晟降。时湖南流民、溃卒聚众为盗者数万人。纲乃遣晟降溃卒王进才于湘乡，禽王俊于邵阳。湖南盗贼悉平。

三年，荆南统制罗广率兵至鼎州。杨太据洞庭为寇，聚众二十万，巨舟千艘，自号大圣天王，立钟相少子子义为太子。广等不克讨而还。

四年，程昌寓遣杜湛、王渥攻杨太皮真寨，破之。七月，太乘大水，遣杨钦等攻破鼎州社木寨。守将许签一作许铨战没。八月，以岳飞为潭州制置使，代王玠讨贼。统制任士安不禀玠令，军以此无功。飞鞭士安使饵贼，曰：“三日贼不平，斩汝！”士安宣言岳太尉兵二十万至矣。贼见止士安军，并力攻之。飞伏兵四起，击贼溃走。十二月，昌寓遣杜湛、彭筠合击杨钦，破之。

五年三月，张浚视师潭州。飞以小图示浚，曰：“八日可破。”飞招太党黄佐，降其众数万，复急攻水寨。太负固不服，方浮舟湖中，以轮激水，其行如飞，旁置撞竿，官舟迎之辄碎。飞用运判薛弼议，伐君山木为巨筏，塞诸港汊，又以腐木乱草浮上流而下。择水浅近，遣善骂者挑之。贼怒来追，草木壅积，舟轮碍不行。飞急击之。贼奔港中，为筏所拒。官军乘筏，张牛革以蔽石矢，举巨木以撞其舟，尽坏。太投水，牛皋禽斩之。果八日而捷书至潭，浚叹为神算。初，太恃险曰：“犯我除是飞来。”人以其

言为讖。湖湘悉平，得户二万七千，悉遣归业。

吕颐浩除湖南安抚使兼知潭州，时郴、衡、桂阳盗起，颐浩遣人平之。

九年，茶陵盗龙渊、李朝拥众万馀，盘结茶陵，相抄掠。诏以辛次膺知茶陵县事。次膺单骑赴任，计禽骁桀者戮之。募其党毛义、龙鳞等，晓谕祸福，宣示恩信。渊、朝相继归顺，且请科精锐，可得劲旅数千。次膺曰：“是皆吾民，正当销剑戟、负耒耜，趣令复业耳。”

孝宗淳熙二年，茶寇赖文政起湖北，转入湖南，犯广东。湖南安抚使辛弃疾以计斩之。

六年，山贼陈峒起郴，犯江华，连破桂阳军临武、蓝山二县，据崇山深谷，善施盾弩、礮石、手炮。大军屡战不克。冯湛选将兵八百，合土军弓手三千馀人，进至黄沙寨，设伏林莽，筑室聚粮，为久驻计。募敢死军，五战五克，使奇兵三百，从间道焚其积聚。贼力不敌，官军乘之，横尸蔽野。次日，复渡水击之，溪流为赤。追斩峒。

宁宗嘉定三年，知武冈军司马遵激军变。知潭州真德秀疏荐武冈签判叶莫权摄郡事，诛其乱首蒋宗等。

开庆元年，元兵掠岳州。

度宗咸淳二年，宝庆乱。湖南提刑文天祥遣兵平之。

恭帝德祐二年，元克潭州。安抚使李芾力尽，城破，阖门死。知衡州尹谷亦举家自焚。守将以城降。屠戮殆尽。湖南州郡相继悉降。张虎起兵，复宝庆。元将萨一作撒里蛮攻破之。

端宗景炎元年，衡山进士赵璠与其叔漂起兵于湘乡，前通判贛州张镗、进士王梦应、熊桂、省魁刘元斗及陈子全、吴希奭等，同时起兵，复衡山、湘潭、攸、醴陵，旋俱为元兵所败。

元

世祖至元二十五年，湖南盗詹一仔诱衡永、宝庆、武冈人啸聚四望山，官军久不能讨。行枢密院刘国杰破之。相要地为三屯，在衡曰清化，在永日乌符，在武冈曰白仓，迁其众守之。

顺帝至正十二年，倪文俊推罗田徐寿辉为红巾贼首，陷岳州，旋寇益阳及临武。

流贼蔡、袁二酋掠岳州路，称红莲教。官军击破之。

湖南行省参知政事卜颜不花、右丞阿儿灰讨瑶贼，复潭、岳等处。

十七年，沔阳贼陈友谅杀倪文俊，并其军，伪国号汉，跨有荆岳。

二十四年，明灭伪汉，其所据湖南诸郡皆降。

明遣湖广行省杨璟略定岳州，屯于三江口，遣大将军徐达徇荆湖诸路。

明

太祖洪武元年，指挥同知蔡迁从常遇春，追饶鼎臣于茶陵，下湘潭、辰、全、道、永诸州。

指挥使丁德兴略定湖南衡州诸郡。

三十年，古州林小厮叛。楚王、湘王出师。杨文、韩观、宁忠自沅州伐木开道，抵天柱，与贵州都指挥陈暹兵会，犄角并进，禽小厮，设铜鼓卫所。

成祖永乐四年，长沙妖人李法良反。时建北京宫殿，遣师逵往湖湘采木，以十万众入山。民不堪其扰，多从法良为乱。命丰城侯李彬讨之，禽法良。

庄烈帝崇祯十六年，李自成陷荆、湘诸郡。

张献忠陷岳州、长沙、衡州、宝庆、永州。巡按刘熙祚死之。先是，献忠既陷武昌，乃悉众逼岳州。沉抚李乾德、总兵孔希贵等据城陵矶拒战，贼悉众百道并进，岳州陷，逼长沙。巡按刘熙祚奉吉王慈煊、惠王常润走衡州，长沙城陷。推官蔡道宪抗节骂贼死。献忠入衡州，桂府正殿犹存。献忠乃拆殿材，载至长沙，造伪殿，而自追三王于永。熙祚命中军获三王入广西，身入永死守。城陷被执，不屈，死于宁乡道林市。都督左良玉遣将马士秀等，以步兵戍临湘、岳州。士秀乃趣长沙捣贼。后献忠奔岳城，士秀乘风追剿，克复岳州。贼造浮桥填江，由荆州入蜀。总督何腾蛟督兵驻长沙。

国朝

大清兵入湖广，流贼李自成窜死。自成兄子锦李过改名奉自成妻高氏及高氏弟一功，拥众自浏阳返兵北渡，掠澧州。故明湖南巡抚堵允锡议抚之，腾蛟亦驰檄至。允锡乃称诏犒师，皆踊跃拜谢。唐王聿键时立于闽手诏奖劳，锦等皆赐名赐锦名赤心，一功名必正，授官号，其营曰忠贞，置之荆州。

大兵克长沙。始，唐王聿键既死，故明总督何腾蛟在湘阴厉兵保境如平时。

大兵克衡州。初，腾蛟建十三镇以卫长沙，至是皆自为盗贼。

大兵克永州。时尽定湖南地，何腾蛟、赵印选、胡一青奔桂林。

吴三桂叛于云南，兵出，陷沅州。

吴三桂死，伪将马宝、胡国柱迎三桂孙世璠于云南。

大兵克沅州，湖南平。

广湖南考古略卷二十三

封建

昔包牺以来，帝王都邑多在北方。湖南于时为荆州之南境。远溯上世，则王者亦尝都之。云阳氏处于沙，今长沙。黄帝封故炎帝榆罔于露，则茶乡之露水山也。是为湖南众建诸侯之始。厥后青阳、龙苗以及三苗、有庠之封，皆今湖南地。夏后氏封舜子姓于长沙，历殷迄周，立国且千年。楚之先重黎亦封于长沙，至殷失其国，周始国于丹阳，颇疑长沙为重黎氏之所守矣。仓吾、濮、桂国于今行省之鄙。商、周受命，贡献相属。意其时南服建国，盖亦众多。周既东迁，渐为半楚蚕食，遂不通上国。而罗、糜、许、蔡之属，徙（于）于是邦，而三代神明之胄国于斯土者，于是乎殄尽。汉以来，多属虚封，而不之国，食其户邑而已。元魏、北齐暨周，偏据方隅，不得荆阳之地，亦遥取其嘉名，以命诸子与功臣、外戚之属，并户邑亦无之。大抵自汉至明，唯长沙王吴芮、汉景帝子定王曾建藩封国。中间千数百年，兹制竟亏。及明而就国之制始复，而所锡名号，或与建国之地相盪。唯明初，则名实相符。至诸臣封爵，亦第具封邑，而无就藩之制。汉制，列侯不尽就国。明则无复就国，犹虚封也。虚封不得谓之封建，而其名犹是。兹依实国之次，总而录之，一准班氏之例云。

上古

露氏参卢 故炎帝榆罔。轩辕氏封。《路史·国名纪》：露，参卢之封。茶陵露水乡有露水山。

青阳氏 己姓，黄帝子。《路史·后纪》：青阳国清，今长沙。

蛮氏龙苗 黄帝子，轩辕氏封。《路史·国名纪》：今湖南北、桂林等处皆是。

淶氏图 高阳氏封。《路史·国名纪》：淶，淶图国，今长沙淶水。

三苗氏 鼈姓，高阳氏后。吴子三苗氏，左洞庭，右彭蠡。《史记经正义》云：以天子在北，故洞庭在西为左，彭蠡在东为右。今江州、鄂州、岳州，三苗地也。杜氏《通典》曰：今潭州、岳州、衡州，皆古三苗国地。

祝融氏重黎 按，《楚世家》：楚之先出自帝颛顼高阳。高阳生称。称生卷章。卷章生重黎，为帝喾火正，命曰祝融。火正既为官名，则祝融其国号矣。又曰：其弟吴回，复为祝融。是又误以为官称矣。盖史迁杂采诸书，故致斯谬。或以重黎为二人，则《大戴记》亦以为一人，不独史公也。鬻熊为季连之后。《大戴记·帝系》篇言，内熊九世至于渠娄；而《世本》不言鬻熊以上之世数，盖夏商之世，已失国矣。然内熊以上数世，固君国者，故具列之。

虞

有庠氏象 有虞氏，舜弟。庠一作鼻。《水经注》：应阳五里，有鼻墟山，下有象庙。颜师古《汉书注》：舜封象于有鼻，今鼻亭。至明代尚无异说。近阎若琼始疑之，过矣。

何侯真 归姓。《路史》：虞帝末，何侯得道于九疑。有何亭墟，则何侯所封也。今道之九疑。

长沙 姚姓，有虞氏后。《路史·国名纪》：长沙、巴陵，皆舜子姓所封。考《逸周书·王会解》，长沙鳖。孔晁无注。今按，篇中皆纪各国所献方物，则长沙亦国名，殆即舜后，至周初犹存者。

巴陵 姚姓。巴陵之名，似非古有，而《路史言》为舜后所封，未知所据。

商 汤

仓吾 高陵氏后。按《路史》以为高阳后，未知所据。仓吾即苍梧，舜葬苍梧，今九疑。则仓吾兼得今永州地。

濮 熊姓，高阳氏后。《周书·王会解》卜人以丹砂。王应麟云：卜人即濮人。《禹贡》：荆贡丹砂。《通典》：辰州贡光明砂。王鸣盛云：今辰州府，实古濮地。

桂 高阳氏后。《路史·国名纪》：桂国见伊尹《四方令经》云，八桂在賁禺东，盖桂阳也。按：桂阳，今郴、桂阳二州及广西连州地。

周

罗子 熊姓，高阳氏后。桓王时楚子贲徙之。《汉书·地理志》长沙国罗〔县〕。注：应劭曰：楚文王徙罗子，自枝江居此。《路史》：初封在襄之宜城，后徙江陵之枝江，周东乃定长沙。今潭之湘阴东北有故罗城。按：今湘阴、平江，皆罗后徙所属地。

麋子 熊姓，高阳氏后。《路史》注云：《岳志》以岳之巴陵为麋子国地，有两城址尚存，相去十里。麋本国在今郢阳，此楚

并其地而徙之者。今《衡山地志》亦以为麋子所徙，盖又自巴陵再徙，如罗子者也。

貳 偃姓，皋陶后。杜氏不言所在。邹汉勋据《开元占经》，翼山与軫山相接，在楚门山中央最高。《山海经》言洞庭之山，是在九江之门。湖中之君山、编山，即门山也。以此定湘山为翼，巴丘山为軫。貳国即在翼山之下。汉之索，今武陵龙阳之地是也。

軫 偃姓。按：邹汉勋曰：軫国在軫山下。即汉下雋县之巴丘城，今岳州之巴陵、华（民）〔容〕，武昌之通城、崇阳，皆其地。楚之半尹殆克軫而为县。

许男 姜姓，大岳后。敬王时楚迁之。《路史》：容城，许所迁。定四年，楚城。今岳之华容。

蔡侯 姬姓。《战国策》蔡圣侯当楚宣王世。盖即春秋蔡侯之后，楚徙封于此，而复灭之者也。蔡叔度后，春秋后封。楚子良夫灭之。《战国策》言蔡圣侯饮茹溪之流，食湘波之（圣）鱼。茹溪，《水经注》：出龙茹山。则侯之国在今澧州地，与四川酉阳州邻者。故庄辛云北陵巫山也。

楚子 半姓，颛顼后，武王封，东迁后广地至南海。楚地虽至今湖南境，而都不在，故其世系略不载。

靳氏尚 以楚大夫封。赧王时楚子封。《读史方輿记要》言靳水为靳尚封邑，则靳其封邑之名，而非其氏也。

安陵君 以楚近臣封。显王时楚子封。安陵一作鄢陵。鄢陵故城在今许州鄢陵县西北，而程恩泽《国策地名考》以为今郴州永兴县西南有安陵故城，即安陵君之封，非召陵之安陵。

汉

长沙文王吴芮 济阴鄆城人。以从平秦乱有功封。高帝封。